



-Pamebham

'Nimlou : 005

'Kplo

-kwε 2005 "su -bha 'sëedhe -mü

"Gwεetaawo

WON -TAONG -MA 'GÜ 'SËEDHE

'Sëedhe ya -yë -kë -mëwón 'gü ?

Dhiang -wo -tiaandhe

-Më 'ö -kë 'yö bhii ü -de -wo pö ? Sëedhe 'ö ya -yö -kë ü -de -wo 'gü -mëwón 'gü, 'yö 'yii kë "Kwi -wo, "Dhima -wo, 'Glεε -wo -nu 'gü ?

-Ya 'ö- wo kwa -wo 'gü bha, -yö -kë "dhü kö -ya -zón kwa -dhe -blεsü 'gü =dhe kwa -dega -wo 'ö -kë =Danwo 'ka bha -yö =bhlëë -sü 'pö. -Wo -nu 'ö -Zlan -ya -nu -da bha, -a "wεε 'bha 'yaa =bhlëë -sü kö -yö zio- 'ka- 'bha -ta. 'Pë 'ö -a -dhe 'dhö- bha kö 'kwa- kë, yö -mü =dhe kö 'mε 'ö "dhü -yö =bhlëë -ya ö -de -wo -bha kö -yö kë -tiaandhe -wo "wεε pö -mε -nu 'yan 'gü "kpungtaa. Yö =në- wón 'gü, =ya kë =dhe 'bhaa do ü -de -wo -wo pö -dhe 'ka, kö -a -dhe -ya -bha kö 'ö sü =dεε -bha, 'ü -ya -a draan- -sü -bha.

-A =ple -naa -mü =dhe -yö -ya kwa -de -wo 'gü "dhü kö 'wón -nu 'ö 'wo -kë kwaa- =Danwo pö "pεen -ta, 'wón -nu 'ö 'wo -kë kwaa- 'Kodivua -se 'gü, 'wón -nu 'ö 'wo -kö "kpungtaa kö 'kwa 'dho kë- -a -nu =gban -wón 'gü tii, "kεε kö 'kwa -a 'bha -nu ma.

=Ya 'go mü, -a -dhe -ya -bha kö bhi 'ö 'ü 'sëedhe ya -a -wo pö sië bha, 'ü kë =dhe mε 'bha 'ö 'wo Samadhi mi -kë -a 'dhö. 'Mε bha 'yö -kpan mε do -bha ziaan -ta kö 'wón yaa kë -mε -nu -waa -gi, 'yö dho- 'ka 'yö 'wo- "dhe -kë, 'yö -kë

"klüüklü. =Ya kë =dhe Samadhi mi 'kö bha 'yii kë nu 'nu 'mε bha- -dhe, -mëwón 'ö gun yöö- "dhiü =slö ? 'Mε 'ö 'wo- -gi bha -yö -möö -bha 'nu 'ö ga. 'Kwa- pö "dhü kö kwa- -pö =dhe kö 'bhii kë do ü -de -wo -go "gbu- kö- =bhlëë -yö kë- bha, "tüng 'bha -yö -dho -wo 'ö -kë =dheng -pë 'ka, 'ö go "se -bha. =Ya 'go mü, bhi 'ö 'ü do ü -de -wo -ya -dhe 'ka bha, ü këyöö -ta 'kun. Nu -a -dhe. Kë =dhe Samadhi mi bha- 'dhö.

=Ya kë =dhe 'wón 'bha 'dhö ü -go kö 'ü- pö yi -dhe 'ö -gban kwaa- =Danwo "se 'gü -wón -bha, yii- 'drεsü =nε: 08 bp 857 Abidjan 08. Bureau Dan.



Kwaa- =danwo pö "se 'gü -wón

Mε zuë" "piü -yua bo -kö

"Kwi -a "su 'ö -kë zue 'ka bha, -a -bha -dhekpäyi -kaang =ple ö ga "söödhü -naa bha 'ö sü- bha 'ö yö- 'ka -a -kaang -yaaga -naa -bha, =klang- 'ö -gban mε zuë" "piü -yua bo -kö -bha, -yö -dho kë- 'ka -Zuan yuö (Zuan- Hien). =Ya 'go mü "su dhe 'ö -kë 'Utö (Aoüt) 'ka 'ö do Zue "piü bha, 'ö sü -a -bha -dhekpäyi -blεsü -bha 'ö yö- 'ka -a "saödo -bha, =klang- bha -a do 'bha -yö -dho kë- 'ka 'Dannëng -dhe yaan- -bha.

Mε -nu 'ö 'wo dho kë- =klang- bha -a -zón -mε "gblüglbü

-nu 'ka -wo =ple. -Wa mε do -dhe Pasitëë Koya. 'Yö- mε do 'dhö -kë Kato Bonifasü 'ka. Bonifasü bha, -yö -kë 'sëedhe -slëë 'gü -mε 'kpüi- dede 'ka kwa -dewo 'gü 'Dannëng "pεen -ta. -Zlan =ya "wü- -bha mε "wεε 'bha -nu -wo -dho kë- -nu "piü 'ö 'wo- -nu -ta kun.

=Klang- bha, -a -ya -gen -mü =dhe 'ö sü -gblü -da -sü -bha, mε 'gbe -dede =në 'ö 'wo mü 'ö- -nu zuë" 'dhö =gi -sü 'ka. -A -nu zuë" -yö 'to -sü 'ka =taama ga 'ö bho- -nu -bha, -a -nu =slöppë 'sü 'ö wo, "gbu- -dhe -wo 'ö wo 'nëdhiëng

-nu 'dhö, dhebë -nu 'dhö, -a -nu -ta, -yö mε 'gbe zuë" 'to -sü 'ka =taama -dedewo.

-Kö 'ö dho kë- bha kö 'wón -yö 'go -a -nu zuë" "piü =në- wón 'gü 'yö =klang- bha 'ö -ya. -A -wón 'gü mε =gban "pεpε kwa -dhe -yö wo -sü 'ka 'wón bha- -ta. =Ya dhi 'mε 'ö- -dhe -yö -möö -a -bha 'ö dho -Zuan Yuö, "iin 'Dannëngdhö.

-Kwaa 'wón do- 'ka =dhe 'sëedhe 'gbe -dede "dhö -bha -yö -dho kë- 'wón bha- -ta. =Dhe "dhü, 'mε "dhü -a 'dho -sü 'ka, -yö 'wëë- 'kun ö -kö "piü kö -ya -nu 'dho.

L'orthographe DAN

Voici ce que nous pouvons utiliser pour savoir lire et écrire en langue dan.			ëë	"këë	daba	ü	'gü	intérieur
Les consonnes et les voyelles que vous ne voyez pas ici sont les mêmes qu' en français.			ën	'kën	rassasier	üü	"güü	amère
Attention:			ëën	=klëën	entourer	ün	=blün	miette
1. c, h, j, qu et x n'existent pas en dan.			εa	"kpεa	sec	üün	glüün	rouler
2. r ne se trouve jamais au début d'un mot.			εan	gean"	scorpion	ü	'gü	brûler
Voici le reste de l' alphabet :			gw	-gwë	caillou	üü	"bhüü	tarir
Lettres Exemple Traduction			in	"bin	fleur	v	"tv	oreille
Aa	"kaa	gale	iin	"iin	ou	vv	"tvv	sauce
An	"gan	tirer	ι	"wι	parler	-Wo 'dho -kö (Les tons)		
Aan	saan	cadeau	u	"gbu-	fort			
aö	kaö	perdrix	kw	=kwaa	main gauche	très haut	"dhü	arbre
aön	'daön-	araignée	ng ¹	gbeng	nuit	haut	'kö	maison
bh	-bho	cabris	oo	-zoo	chenille	moyen	dë	père
dh	dhe	mère	o	'pö	credit	bas	=zε	termite
ee	=wee	sel	ön	"yön	huile	très bas	-dhö	amour
ε	"pε	déchirer	öön	=yöön	sang	très haut + très bas	"klang-	singe
εε	=wεε	moquerie	ö	pö	dire	haut + très bas	'yënn-	soleil
en	-gen	pied	öö	töö	panier	moyen + très bas	saa-	savon
			u	"su	lune	has + très has	=öñö-	iroko
			ün	hün	tombeau			



Kwaa- "Kɔdivuaa -sɛ 'gü -wɔn

-Tosɛa -kɛ 'flɛɛ- 'gü -sü 'dhö 'ö 'yaa- wo

-Kwaa 'wɔn dɔ- 'ka
=dhe -tosɛa -kɛ 'flɛɛ- 'gü
-sü =ya kɛ "bhadha -dede
'ka dɔ 'ö 'kwa- wo ya- 'gü.
-A -kɛ "dhü -sü bha- 'gü,
kwaa- "sɛgɔ "dhiü -mɛ -yö
"dhasi -nu -ya -sü -nu 'ka
kö 'ko -yö zɛ=kwa -mɛ -nu,
mɛ zɛ -mɛ -nu, 'wɔn yaa

kɛ -mɛ -nu "pɛpɛ bha- -nu
'ka. -Ya kɛ -sü 'ka "dhü
"kwi -pö "gblügbü -nu, -a
'sɛɛnnɛ -nu 'gbɛ -dhe 'gü
kwa -gɔ "sɛ ya- 'gü. =Ya 'go
yö -zɛ -a 'gü, -yö -dhe
-sü 'ka mɛ -nu -gɔ "kwi
-pö -nu bha- -nu 'gü kö
-wo woo- 'kɔbhang -nu 'ö

-naa "kwanngdhe -nu -zü,
-a -nu "dhiü -nu wlüü".
-Wo "kwɛɛ -nu kɛ -piö -nu
'ka.

-Wo pɛ -ya 'kɔ
=dhong -nu 'ö 'wo- -nu
-dhe "kwi -wo 'gü fönetrɛ
bha, -a -nu -bha. -Wo
'gbɛn- -nu -ya "kwanngdhe

-nu 'gü. "Kwanngdhe -maa
kɛ -mɛ -nu -wo kɛ kpökpö
-nu 'ka. -Gɔn gɔɔn -mɛ -nu
-naa -dhioo -yö dɔ. =Ya kɛ
"dhü kö kwa- -pö =dhe 'mɛ
'dhe 'ö ü -kɔ "dhiü 'dhö
"pü -sü 'ka -wɛɛga -wɔn
"gblüv "piü, ü -mɔɔ -a -bha
'ü ü -bha -kɛ

"Kpungtaadhe -wɔn

Bili 'Gramö (Billy Grahamö) -bha -kwɛ -kaɔng "saado "yuv 'sü 'ö- wo

Bili 'Gramö bha
-Zlan 'gü mi 'kpüi- -mü. -A
-kwɛ =ya kɛ -kaɔng "saaga
ö ga "saado. 'Ö -ya -Zlan
-bha yɛ -bha, -a -kwɛ
-kaɔng "saado (60) -naa
=nɛ. "Kwi -bha "su 'ö -kɛ
'zuɛn- (Juin) 'ka 'ö -ziö ya,
-a -bha -dhekpɔyi
-kaɔng =plɛ ö ga "sɔɔdhu
-naa bha, 'yö -kpan
'kwɛɛdhe 'kpüi- 'ö -gban

-Zlan 'gü -mɛ -nu -bha,
-a -kɛ -a 'ka =Mlɛɛkɛɛn "sɛ
'gü, "Kwi -pö dɔ 'bha 'ö
mü 'ö 'wo- -dhe "Niyɔɔkö
(New York), -a yaan- -bha,
-dhekpɔyi -yaaga 'ka
'gbaandhö mɛ "gblü kɛng
=plɛ ö -kɔ -yaaga (230.000)
wɛɛdhö. -Zlan -bha yɛ
bha -ya kɛ -sü 'ka
-dedewo.

-A -gɛn -mü =dhe
-yö -Zlan -wo pö -sü 'ka
"sɛgɔ kɛng dɔ ö -kɔ "saaga
waa- "sɛgɔ "sɔɔdhu (185)
=nɛ- -nu 'gü 'gbaandhö
"kpungtaa. Mɛ "gblü kɛng
=plɛ ö -kɔ (210) =nɛ 'ö
-Zlan -wo bha -a pö -sü
'ka -a -nu -dhe 'ö nu 'ö yö-
'ka =dɛɛ -bha.
=Dhamlɛɛkɛn "sɛgɔ "dhiü
-mɛ -nu waa- "sɛgɔ "wɛɛ

-nu -gɔ "dhiü -mɛ -nu
-wo kɛ wo "tv -to -a -bha.
-Kɔ dɔ 'ö mɛ -nu 'wo gun
'Zan- 'Papö 2 'sü siɛ- 'ka,
"iin -a -ga siɛ- 'ka bha, 'yö
'wo yöö =de 'pö -a sü-
-bha.

Bili 'Gramö bha,
-a -bha dhiang "pɛpɛ 'ö-
-nu zɛ, -a -gɔ -dɔ -dhe
-mü =dhe : << N Dɛmɛ a nu
siɛ >> 'ka.

Mɛ =slɔɔ -pɛ -nu -wɔn

-A -kwɛ -yiisiö
-naa =nɛ, "Kwi -a "su 'ö -kɛ
setangblɛ 'ka, -bha, -a
-dhekpɔyi -kaɔng dɔ ö ga
"suisiö -naa bha, 'yö
=Dhamlɛɛkɛn -nu 'wo- pö
=dhe 'ö sü "su 'dhe 'ö 'kwa-
'gü, 'ö -kɛ zue (Juillet) 'ka
ya, -a -bha, "sɛgɔ "pɛpɛ 'ö
waa- 'nɛ -nu 'ö- -nu -kwɛ
'yii kɛ =mɔɔ =kö -kaɔng dɔ
ö ga "saado -bha -a -nu
-da =kakao -bhlɛa -nu 'gü,

'Wɔn 'ö -gban 'nɛ 'sɛɛnnɛ -naa yɛ "gbügbü- kɛ -sü -bha

'wii 'dho -a -nu -bha
=kakao 'dhɔ-. "Sɛgɔ -nu 'ö
'wo "dhü bha "Kɔdivuadhe
-ya -nu kpö 'gü. -A -kɛ
"dhü -sü bha- 'gü, -wo kɛ-
-pö 'waa woo kwaa-
=kakao 'dhɔ. -Yö -bhɔ -a
-bha =dhe 'nɛ -nu 'ö 'wo
-ziö "gblü kɛng =plɛ ö -kɔ
"saaga -ta 'ö- -nu -kwɛ 'yii
kɛ =mɔɔ =kö -kaɔng dɔ ö ga
"saado -bha, =nɛ 'ö 'wo yɛ
kɛ siɛ "bang 'ka =kakao

-bhlɛa -nu 'gü. -A mɛ 'dhe
-nu 'ö 'wo -kɛ =dhe =zuee
-nu, pɛ see- -pɛ -zɛ 'ka -pɛ
-nu -wo -nu -a -nu -dhe 'ö
'wo- -nu =wɛng 'bhlaadhe
-nu bha- -nu 'gü, -a -nu
"dhi -yö -ziö "gblü kɛng
dɔ ö -kɔ "sɔɔdhu -ta. "Kɛɛ
kö =bedhe -nu 'ö 'wo bha
-wo -ziö 'nɛ -nu zɛ -sü -gɔ
-sueɛsueɛdhö.

'Nɛ -nu 'ö 'wo yɛ
"gbügbü- -nu bha -a -nu kɛ

siɛ =dɛɛ "kpungtaadhe -to
"dhü -sü 'gü, -wo -ziö
"miliɔng kɛng -yaaga ö
-kɔ =plɛ -ta. -A mɛ 'gbɛ
-dede =nɛ 'ö 'wo- -nu kpö
'gü 'ö waa- -a -nu -da yɛ
'gü -mɛ -nu 'waa -gban wo
'kwɛɛ- tongtongdhö. -Ka
-wɛɛwɔn -nu -ga bha !

-Kwaa kɛ -sɛ kö
'kwa 'dho kɛ- 'wɔn suu bha
-a kɛ -mɛ
-nu 'ka.

'Wɔn 'ö -gban -potaasü -wɔn -bha.

"Yua 'ö -gban dha -bha ban -sü -bha

"Yua 'ö "kwi -nu 'wo- -dhe
fiɛvrɛ tifoidö bha, -a -gɛn 'kpüi- -dhe
-yö -gban dha ban -sü =nɛ- -bha. 'Mɛ
-nu 'ö "yua bha 'ö- -nu kun -kwɛ
-bha -wo -mɔɔ mɛ "miliɔng -kaɔng
dɔ ö ga "saado -bha. 'Yö 'mɛ -nu 'ö
'wo to- -gɔ -kwɛ -bha -a -nu kpö
=zinng 'gü 'wo mɛ "gblü kɛng "saado.
'Ö 'mɛ 'ö- -bha -a -mɛ kwi -yö -kun
-dedewo 'ö- "dhiü 'dhö -ziö. 'Ö kɛ siɛ
"dhü kö- -mɛ -yö 'kɔ =taama kɛ siɛ
"yɔɔn 'ka, 'ö- "yan 'gü 'dhö =niɛɛ -nu

wo, 'ö -a -gɔ 'gü 'dhö wü, 'ö -a 'gü
'dhö ga. -Kɔ 'ö "gung -yö mɛ -kɛ -a
'ka, 'yö "yua 'ö "dhü bha, -a -bha
'dhö- 'ka 'pö.

"Kɛɛ -a -bha bha, -a "dhe kɛ
-kɔ -yɛɛ -yö 'gbɛ, "kɛɛ -a 'dhe -nu 'ö
kwa dho 'klɛɛ- 'kpö -a -bha, "iin 'ö
'wo dho 'to- kwa "yaan, yö -mü =dhe
-kwa "yi -wɔn 'kun -sɛ -dedewo. Kwa
mü -yi -nu, -zu 'ka -yi -nu, "yi 'kö
-kɛ -zɛ wo =dhe kwa -mawɔn -yö
-dho zun- -bha, -kwa baa- -a -nu -bha

-sɛ 'ka. =Ya 'go mü kwa "zu -dhe -nu,
'kɔ =taama kɛ -dhe -nu, pɛ -kpa -dhe
-nu, 'pɛ 'ö dho kwa "dhi 'ö -kɛ -zɛ wo
-bhöpɛ 'ka, -kwaa -nu -wɔn kɛ -kɔ
-sɛ kɛ. =Ya 'go 'bha wo 'mü -kwa "slɛ
mɔɔ- -bha kö =dhɔtrɔɔ -nu -wo kwa
pike. -Kwa 'dho- -nu "piü. -Kwɛ =plɛ
pikɛ dɔ.

Kö 'kwa- 'gü ma -sɛ 'ka bha
'aa -yö kɛ ?

'Wən 'ö -gban troo -nu -bha me wəkwə -nu 'gü

'Wən 'ö -gban -dhöökpö -zuö -wən -bha

-Dhekpaoyi =ple ya-
"piü troo 'ö -kë -dhöökpö
-zuö -sü 'ka bha, -a 'bha -yö
kë -kë kwa -go "se 'ö ya 'gü.
-A -gen -mü =dhe -dhöökpö
-troo 'kpii- -dede 'ö ya kë 'ö
-zuö "sego "pepe 'ö 'wo
"kpongtaa, -a -nu =zinng
'gü, 'yö- 'bha yöö -zuö -kwe
'ö nu sië ya- 'ka (2006).

-A -kë "dhü -sü
bha- 'gü, "sanni "sego -nu
bha -wo 'dho "dhü, 'yö- nu

'gü -ya =wee =kö, kë "dhü kö
'me 'ö =ya kë "gbu- kö -yö
gun 'dho- -naa. -A -kë "dhü
-sü bha- 'gü, "sego -nu 'ö
'wo waa- 'Kadivua -nu =loo
'ko -ta kö -a -nu 'gü -yö
=wee bha, 'yö -a "gbu- do
'bha 'dhö -kë Ezitö -sego 'ka.

Ezitö -sego bha, 'yö
-ya -sü 'ka kwaa- Metii "se
ya -a -go 'dhuü- =yën. -A 'gü
-me -nu -wo -dhöökpö -
zuö -dedewo. "Kee kwa- -

ma =dhe -piö dhiü bho -piö -
yö -dhö. -Aga 'yö 'me -nu
bha waa- kwaa- -dhöökpö
-zuö -me -nu 'ö 'wo- nu
'ta -dhe Biö bha 'yö 'wo 'pë
bha- -zuö "kwi -a "su
(Avlilö) 'ö -ziö ya- 'gü, -a
-dhekpaoyi -kaongdo 'ö ga
"siüsiö -naa bha- 'ka. Kwu "
-me -nu kwaa- "yuv -mü
kwaa- "yuv -mü Kwa kë 'me
-nu bha- -a -nu -go -kë 'bii-
=ple 'ka 'gbaan- dhö.

Ya 'go mü kö "sego
do =në =ya 'to. 'Yö -kë
Kamödhunö -se 'ka. 'Kwa -a
-nu -go -zë kë kö -dhöökpö
-zuö -troo 'kpii- bha, kwa
-dho 'dho- -a -zuö "Dhima
"se 'gü -kwe 'ö nu sië ya- 'ka.
-A -gen -mü =dhe -dhe bha
=në 'ö 'wən bha 'ö dho kë -a
-bha. =Ya kë "dhü kö -
kwaa -dhe Atanna -go kö -
yö nu kwa -dhe "tee 'ka.

"Yu -wən

-Bhea -Zlan -dhe -kö "yu -sü

=Dheglizö suu
'bha -yö Metii "se 'bha 'ö
'wo- -dhe Kamörunö -a
'gü, -a -bha -bhea -Zlan
-dhe -kö -yö -deta. -Waa
pö woo bhea" me =gban
-wo "gblënu 'ö 'wo -wo
wo 'gu -ta "pepedhö 'ö
'wo wo -go -gban -a 'ka
"see kö -wa wo "yan ta
kpengkpengdhö kö buzi
do -sü -ya -nu -göadhö.

-Aga -dhekpaoyi
do 'ka kö dhebë 'në do
'bha bha =ya 'ö bha wun
-lö =gblengblen 'ka
-wlengdhö, 'yö gun bhea"
bha- wo sië.
Yaa' "gblënu 'ö- wo bha,
-a -bha wun =ya yö buzi 'ö
"pu sië -a -göadhö bha-

-bha, =ya -pö, -a wun "zo
=ya yö 'pë 'ö 'pu sië bha-
-bha. Me =gban -wo bhea"
sië -dedewo wo faan
=gban 'ka. Buzi bha =ya yö
wun "zo -bhö -sü -bha
=dhe me -yö -më -kë. 'Me
-nu 'ö- nu yun "gbiü 'dhö
do, -a =fii =ya kë -a -nu 'gü
-së. -Wo "wü sië wo
zuë" "piü =dhe bhea" 'ö
'wo- wo sië bha =në -Zlan
-yaa ma, 'pë 'ö -kë 'ö -kë
"dhü bha 'yö bha.
'Wo- kë sië "dhü, 'me "vü
'me 'kö 'ö -go "dhiü =wliüü
kö -ya -Zlan =bhlëë -siö.

Buzi 'kö bha, -a
=gbaan yën, Pasitëë -yaa
pö -wo wo "yan "dhiü "pu
kö -wo wliüü", 'yö 'wo gun

-a kë -naa. Buzi =de 'pö
wun bha -a din -ya kë- 'gü
-dedewo -së; -ya -bhö sië
"we -nuenuedhö =dhe
me -yö "yon "puu pa -to
'kaa- 'ka, =ya =loo wun ga
=gblengblen bha- =zinng
'gü. "Kee "yon =fii -së 'ö
dhebë 'në bha 'ö kë- -ziö 'ö
=gwinng- 'yö 'wo gun -naa
-a -bha wun -lö bha, -a =fii
'ö -ya -a -go 'ö go 'mü 'ö-
=gwinngdhe 'ö- =nöö "nöö
kë sië -së 'ka bha, -yö -kë
-a 'gü =dhe -Zlan bha =në
'ö -ya =lö 'yö 'ö -kö ziö
sië- -go 'gü bha. -A -wən
'gü, =ya faan -ya bhea" -sü
-bha 'ö "yan ta -sü 'ka
kpengkpengdhö =dhe me
-yö 'wëë- -yeebho 'gü -kö

"dhi ta. "Kee 'ö do 'mü kö
-a -kun -bha -dhe 'yaa-
-bha 'zü, kö pë -yö 'ma
sië- -go 'ka =dhe me -yö
-më -kë. Kö Pasitëë -zë -ya
pö sië -wo 'dho bhea" -sü
'ka "dhiü, -Zlan -ya lö -a
-nu =zinng 'gü, 'pë 'ö -kë
'ö "yon =fii -së -dede -ya
-ya bha, 'yö bha. "Kee -a
-bha -pö "dhü -sü =gban
'gü, dhebë 'në bha 'yii kë
dhang- bho- "dhiü. -Kaa
-ga =ya 'ö "yan "pu, -ya -ya
"gbla -sü -bha. Me =gbaan
wliüü" "vaandhö.

=Bhluu "bhludhe -ya -da.
-Zlan 'yaa mü 'ö
=lö, "kee =ya bho dü -go
-me (Satan) -bha.

=Kesü Dhifongsü

"Gwäng

<< 'Waa 'wən yaa "yöö bho 'wən yaa 'ka. >> Kwa -möö -a -bha 'ö 'kwa 'wən
-zən 'ka sü göndë 'në 'ö- -bha 'në 'dhö -pö "yi =bhaa 'ö- -dhiang 'dhö zë -sü
'ka 'sëedhe -be 'në 'ö -kë 'waa 'wən yaa "yuv bho 'wən yaa 'ka -a 'gü bha-
-bha. 'Wən -zən 'ka -së -dede =në 'ö bha. -A 'sëedhe -be 'në bha -a "dhöö
-bha -yö "Ze Emanue -go "Maadhö.

Ü këyöö -ya 'wən yaa kë ü 'ka, 'bha 'dho-
-go "yöö do- -go 'wən yaa 'ka. Ü -bha -yö kë
'wən -së kë -sü 'ka -a -me -dhe. -A -gen -mü
=dhe 'wən -së kë -me 'yaa =dhe -Zlan -go
tongtongdhö. Kwa- -ma "dhü.

Pë -Wlangda -sü

'Sëedhe -be 'në -nu 'ö- -nu -yö "kpenngdhe 'yaa =gbleen
'zü

'sëedhe 'në -nu 'ö 'wo "dhü bha wo -mü :
-Ko -maw 'wön -bha -sü -yö Yesu -go kö -yö me dha.
Yesu -bha me -nu =klang- kë -wo -nu.

'sëedhe 'ö -gban "gung -yua -bha -kpə me 'ka -sü -bha.

=Ya kë "dhü kö -ka ka baa- sië kö 'ka 'wëëga 'në 'bha -ya -ka
-kö "saw kö -wa yö "kpenng yi 'ö- 'ka, 'ka 'to 'ka- -nu 'dhö.


=Ya 'go yö -zë -a 'gü,
=klang -tiantandhe -dede
'ö -gban 'me 'ö ü zuë" 'dhö
=gi -sü 'ka 'wön 'bha 'koson,
'ö dho kë -kö 'ö- -bha kö -yö
'go ü zuë" "piü, -a =klang

bha -a do -yö -dho kë-
'Dannëngdhö "kwi -bha "su
'ö -kë Août 'ka, -a 'gü. -A zü
-yö -dho bho- -a
-dhekpaoyi -Bleesü 'ka, 'yö-
"dhiü 'dhö ta -a "saado -naa

'ka. -A =ple -naa -yö -dho
kë- "Zuan Wen "su 'dhe 'ö
-kë Juillet 'ka bha, 'ö sü -a
-dhekpaoyi -kaong =ple ö ga
"saodhu (25) -bha 'ö yö- 'ka
-a -kaong -yaaga (30) -bha.

"Kee -kaa 'gü ma -së 'ka; Me
"pepe 'ö kaa- nu =klang-
=ple bha, -a -nu -ta bha, -ka
-dhekpaoyi do 'to "dhiü kö
'ka nu.

Pë "bin 'ö ya -a -ga, -a -bleesü bha, -a 'kləw- maw- kö 'ü- -ya ü -kö "saw. -A do 'bha -yö nu sië =taama
kö 'ü- -bha 'kləw- maw- 'pö.
-A 'dhe 'ö- =wlöw bha, -a -ga. Wü do -zë 'ka -dhe "saaga -ya -bha, -a -nu maw-



'Ka ka bo 'sëedhe ya- -wo pö -sü 'ka, 'wön 'bha =ya kë ka -go kö 'ka pö yi -dhe, -ka 'sëedhe kë kö 'ka bo.
Yii- 'dresü -mü 08 BP 857 Abidjan 08 'ka. Tel. 22.43.12.72.

'Me -nu 'ö 'wo 'sëedhe 'ö ya- -kë, wo -mü =Sai Zoziasü , "Dhəəgbö Zafe, =Kesi Məyan Dhifəngsü, Valangten
Vidrinö waa- Edhəna Pədhəkwəlöšökaya 'ö- -nu =gban =ple 'wo go Dhusi 'ö -da "Anesü 'ö go 'Suisü , -a -nu 'ka.